

Cofnodion Cyfarfod yr 2ail Gorffennaf 2019

Yn bresennol :- Y Cadeirydd **Gareth Griffiths** a'r Cynghorwyr, Phyllis Ellis, Rhian Evans-Hill, Martin Davies, Idris Thomas, Lowri Hughes, Emma Chappell, Richard Ll. Jones, Elfed Wyn Williams, R. Hefin Williams a Jane Pierce.
Croesawyd Y Cynghorydd Elwyn Jones

Gweddi: Offrymwyd gair o weddi gan Richard LL. Jones

1.Ymddiheuriadau.

Aled Green, Gwawr Wyn Roberts.

2.Datgan buddiant

Dim

3. Cofnodion Cyfarfod 4ydd Mehefin 2019

Derbyniwyd y cofnodion fel rhai cywir

4 Materion o'r cofnodion

Parcio Bethel – Yn dilyn sawl cwyn, mae wedi mynd yn amhosib gweld ar rhai o gonglau a mynedfa allan I lonydd o sawl cyfeiriad oherwydd unai parcio neu gordyfiant. Mae plant yn amlwg yn chwarae gyda beics, ac nid bob amser mae yn hawdd eu gweld oherwydd yn naturiol, daw plant o bob cyfeiriad heb feddwl. Yn aml iawn, faniau gwaith sydd yn cael eu parcio ar ochor strydoedd neu gonglau, ond beth yw'r ateb? Mae hyn yn amlwg iawn yn arbennig yn Tre Gof, tu allan i'r hen Eglwys Sant Teilo a Cylchfan cefn. Yn ychwanegol I hyn mae yna yrru ofnadwy yn Saron, ac ni fasa gan blentyn ddim gobaith. Ysgrifennu llythyr at diogelwch ffyrdd Y Cyngor yn gofyn am ganllawiau ynglyn a hyn, ac os oes posibil cael y tyfiant yn y manau hynny dan reolaeth.

Golau Ffordd Cyffordd Brynrefail – Cysylltodd y clerc a'r adran golau stryd Y Cyngor i holi ymhellach i amcanbris a dderbyniwyd. Yn dilyn trafodaeth ac esboniad fod angen rheolaeth ffordd 3 ffordd yno, rydym yn dallt pam mae y bris mor ofnadwy o uchel. Search hynny, mae'r lôn a'r groesfan dal yn beryg. Mae'r llwybr bellach yn lwybr aml bwrpas, ac nid yw'r goleuadau sydd yno yn berthnasol dim mwy. Felly y clerc i yrru llythyr o adroddiad am hyn i'r Cyngor Sir.

Llwybr Carreg y Garth – Derbyniwyd esboniad ac adroddiad trylwyr yn dilyn ymweliad gan swyddog o'r Cyngor Sir. Aros i weld sut fydd y llwybr nes ymlaen.

Cynghorwyr ar fudiadau – Mae'r rhestr bron yn gyflawn, gobeithio cawn ymateb i'r ddau mewn cwestiwn yn mis Medi.

Polisi Cwynion – Yn dilyn trafodaeth, penderfynwyd ein bod angen polisi Cwynion. Mi ddaeth y clerc gyflwyno un wedi ei fabwysiadu gan gyngor arall, ac ei addasu fel gweithdrefn gwyno. Penderfynwyd derbyn y polisi yn unfrydol. Y clerc i yrru copi caled i bawb ynghyd a'i roi ar y wefan.

5.Gohebiaeth a materion eraill

Parc Chwarae Clwt y Bont – Derbyniwyd neges gan Gwawr fod y llawr o dan y siglen wedi cael difrod, ac wedi ei godi i gyd. Y clerc i yrru llythyr a lluniau o'r ardal i'r Cyngor Sir.

Bwrdd Dwr – Mae yna waith yn mynd ymlaen yn Seion dros y misoedd nesaf. Mae Bwrdd Dwr wedi cael caniatad cais cynllunio i adeiladu gwaith trin dwr gwastraff Newydd. ac

mae'r gwaith eisioes wedi cychwyn yno yn barod.

Cyfyngiadau Parcio Arfaethedig – Yn dilyn archwiliad, mae Cyngor Gwynedd yn ystyried cyflwyno cyfyngiadau parcio ar gongl y ffordd ger Tai Arthur yn Penisarwaun.

Llythyr Cwyn – Nodwyd fod y Cyngor wedi derbyn llythyr cwyn, ac oherwydd natur y gwyn, bydd rhaid cynnal is bwyllgor i drafod cynnwys y llythyr.

6. Cynllunio

Ceisiadau a dderbyniwyd yn ystod y mis:

Ty Cefn, Waun Pentir – Codi tŷ deulawr Newydd a manau parcio. Penderfynwyd gwrthwynebu y cais yma yn dilyn derbyn mwy o wybodaeth. Rydym yn gwrthwynebu oherwydd:

Gor ddatblygu ar y safle,

Colli mwynderau fel gardd yn y ddau dŷ.

Gosod Cynsail i adeiladu tai mewn gerddi.

Dim son am dai fforddiadwy,

Anhawster Mynediad,

Peryglon Llifogydd a draenio Tir

Y Bwthyn, Fron Chwith – Ail osod lolfa haul gyda estyniad ar yr un arwynebedd llawr. Nid oes gan Y Cyngor Wrthwynebiad.

Bryn Difyr, Bethel – Codi tŷ fforddiadwy a darparu llecynnau parcio. Nid oes gan Y Cyngor Wrthwynebiad.

LLys Brynrefail – Adnewyddu'r mynedfa bresennol a chodi wal Newydd. Nid oes gan Y Cyngor Wrthwynebiad.

Tir Ger Llyn Padarn – Codi cerflun 2 medr o uchder. Ni does gan Y Cyngor wrthwynebiad I osod cerflun, cyn belled a bod yn gerflun fydd yn gweddu i'r ardal. Nid oes gan y cerflun yma dan sylw le i weddu yn ardal Chwarel Dinorwig, nac yn addas o flaen Ysbyty'r Chwarel.

7. Cyfrifon

Derbyniwyd restr o faint o arian rydym wedi wario, ac ar beth, a sut mae yn ffitio i mewn i'r gyllideb. Nodwyd fod y cyfrifon yn gywir, ac yn rhoi darlun bob tri mis i'r Cyngor. Yn dilyn adroddiad mewnol blynyddol, awgrymwyd ein bod yn darparu Mantolen Ariannol ddwy waith y flwyddyn, yn hytrach nac unwaith, felly bydd mantolen yn cael ei chyflwyno ddechrau mis Tachwedd, pan fyddwn yn dechrau trafodeuthau cyllideb flwyddyn nesaf.

8. Adroddiad ar Gynllun Treftadaeth Ardal Chwarel Dinorwig

Yn gyntaf oll Diolchwyd i'r is bwyllgor oedd yn gyfrifol am wneud y teithiau er mwyn rhoi adroddiad manwl i yrru i Cyngor Gwynedd. Diolch yn arbennig i Idris Thomas am ei waith trylwyr, ac am adroddiad penigamp a rhannu atgofion am fyw a'r ffordd o fyw oedd yn yr ardal agos honno yng nghyfnod y Chwarel. Diolch hefyd i Gwawr, am adroddiad ar ran Cyngor Cymuned Llanddeiniolen a gyflwynwyd i Cyngor Gwynedd yngyd a awgrymiadau a syniadau a ddaeth i sylw tra yn troedio yr ardal ar y teithiau hynny. Diolch i chi gyd.

Adroddiad Idris:

"Eleni (2019) trefnais pedair taith yn Ninorwig ar Fawrth 13eg, a 28ain. Ebrill 11eg a Mai 24ain. Ar y daith gyntaf, aethom i Chwarel Dinorwig, yr ail daith i Gymuned Pen Draw Dinorwig, y trydydd i'r Barics a'r olaf Cymuned Dinorwig. Ysgrifennais yn llawn am bob taith ynghyd â syniadau a chynlluniau i'w gweithredu o fewn Treftadaeth Llechi'r Byd. Gan fy mod yn frodor o Dinorwig roedd hyn yn fy alluogi i roi darlun byw ac hanesyddol am y

gymuned arbennig hon.

Ar y teithiau o'r Cyngor Cymuned roedd Lowri Hughes, Gwawr Wyn Roberts ac Elfed Williams, a chawsom gwmni hefyd o Gyngor Gwynedd Hannah Jane Joyce, Uwch Swyddog Adfywio Strategol, Gwenan Meleri Pritchard, Cydlynnydd Llechi Cymru, a Rhian Elin George, Swyddog Cefnogi Cymunedau, Cadi Iolen o'r Amgueddfa Lechi a Mari Beynon Owen, ymgynghorydd Llawrydd-Awdur Cynlluniau Cynefin Llechi Cymru. Criw egniol yn llawn brwdfrydedd ac afiaith a diolchaf am eu cwmni hyfryd ar y teithiau. Rhoddais fy awgrymiadau personol ar ddiwedd pob taith ac at hyn mae Gwawr wedi casglu holl syniadau'r grŵp yn ogystal.

Rydych oll fel Cyngorwyr ar y Cyngor Cymuned wedi derbyn copiau o'r daith ac mae'r cyfan bellach yn nwylo y rhai sy'n delio a Safle Treftadaeth y Byd. Teimlaf y dylai'r Cyngor gysylltu ag Adran Treftadaeth Llechi o fewn Cyngor Gwynedd i ofyn iddynt (er gwybodaeth) yn dilyn yr holl deithiau beth yw'r cam nesaf.

I mi yn bersonol, bu'n dipyn o waith mewn cyfnod byr, ond roeddwn eisiau ei wneud yn iawn ac rwyf yn hapus gyda'r canlyniad.

Hawlfraint Cyngor Cymuned Llanddeiniolen a minnau yw'r cyfan. Roedd angen i'r cyfan i fod i mewn cyn diwedd Mehefin ac mae hynny wedi ei wneud. Hyd nes y clywn fod yr ardal wedi llwyddo i gael Statws Treftadaeth Llechi'r Byd ni ddylid yn gyhoeddus gyhoeddi manylion y teithiau tan hynny.

9. O gwmpas y Bwrdd

Rhoddwyd cais i neilltuo amser yn mis Medi i ddarllen adroddiad Aled Roberts. – Y clerch i roi ar y rhaglen

laith a Tai – Yn dilyn newidiadau yn y ffordd mae tai cymunedol yn cael eu penodi I bobl Daeth cais i roi gwahoddiad i Gareth Parry Adran Opsiynau Tai i ddod i'r cyfarfod i roi sgwrs ar y polisi.

Penisarwaun - 3ydd Diffriblydd yn ei le yn Penisarwaun, a pedwerydd ar ei ffordd. Hefyd maent wedi cael arwydd 30mya Newydd ynghyd ac wedi cael ail beintio llinellau yn Tan y Gaer.

Rhiwlas – Lôn Castell yn beryg bywyd gan fod gor dyfiant ar yr ochor heb gael ei dorri, a yn lôn boblogaidd I gerddwyr a cheir.

Bethel – Mae trigolion Tan y Buarth wedi rhoi cais yn nodi fod y Cyngor Sir wedi tarmacio dwy ochor i balmant, ond heb wneud y darn concrit yn canol, sydd ar y gongol ac yn anwastad. Tybed oes modd dod yn ôl i wneud hyn yn y dyfodol agos.